

ՀԲԸՄ Մոսկուայի Ասպարեզային Փորձառութեան Ամառնային Ծրագիրը Կը Հաստատէ Իր Տեղը ՀԲԸՄ Երիտասարդական Ծրագիրներու Շարքին Մէջ

Նիւ Եորքի, Փարիզի եւ Երեւանի ՀԲԸՄ ասպարեզային փորձառութեան ամառնային ծրագիրներու շարքին մէջ իր ուրոյն տեղը կը գրաւէ նաեւ ՀԲԸՄ Մոսկուայի Ասպարեզային Փորձառութեան Ամառնային Ծրագիրը (ՄԱՓԱԾ): Առաջին տարին՝ 2010-ին ունեցաւ ութ մասնակից: Այս տարի, ծրագիրը բոլորեց իր երկրորդ շրջանը Յունիս 26-էն Օգոստոս 5ը, եւ Ռուսաստանի Դաշնութեան մայրաքաղաքը բերաւ այս անգամ արդէն 19-23 տարեկան 13 երիտասարդներ չորս երկիրներէն՝ Հայաստան, ԱՄՆ, Ֆրանսա եւ Գանատա:

Վեց շաբաթ շարունակ, աշխարհի տարբեր մասեր ապրող, տարբեր համալսարաններու մէջ սորվող եւ տարբեր միջավայրերու մէջ մեծցած հայ երիտասարդներ ապրեցան մէկ յարկի տակ, միասին յաճախեցին տարբեր դասընթացքներու եւ հանդիպումներու, կիսեցին իրարու հետ իրենց փորձն ու գիտելիքները: Այս տարուայ մասնակիցները հնարաւորութիւն ունեցան աշխատելու Ռուսաստանեան այնպիսի առաջատար կազմակերպութեանց մէջ, ինչպիսիք են «Դիլիջան միջազգային բարձրագոյն դպրոց» նախագիծը, “Star Expo” ընկերութիւնը, «Մետիակրատ» հրատարակչութիւնը, “CP DVD” ընկերութիւնը, «Թրոյքա տիալոկ» ներդրումային դրամատունը, «Սքոլքոլօ» կառավարման դպրոցը, Դրամատուներու Ռուսաստանեան Ընկերակցութիւնը, «Սիկար Քլան» ամսագիրը, «Փարատիզ» ընկերութիւնը, “Moscow Times” թերթը, «Հենտրըսըն եւ Հայաս» ընկերութիւնը, Ռուսաստանի վիրաբուժութեան հետազօտման կեդրոնը, Բժշկութեան եւ վերականգնողական դաշնային կեդրոնի ռենտգենաբանութեան բաժինը: Հարկ է նշել նաեւ, որ, օգտուելով ընձեռուած հնարաւորութենէն եւ փափաքելով քաղել առաւելագոյնը այդ վեց շաբաթներու ընթացքին, քանի մը մասնակիցներ իրենց փորձառութիւնն անցուցին միաժամանակ երկու ընկերութիւններէն ներս:

Այս տարի նոյնպէս մասնակիցներու համար կազմուեր էր հարուստ եւ հետաքրքրական ծրագիր՝ լի անմոռանալի այցելութիւններով եւ հանդիպումներով, մշակութային ձերնարկներով եւ ժամանցային

երկնոներով: Աշխատանքային ժամերէն վերջ, երիտասարդները կը յաճախէին ռուսերէն լեզուի եւ հայկական ժողովրդական պարերու դասընթացքներու, կ'այցելէին տարբեր տեսարժան վայրեր, պատմամշակութային յուշարձաններ, եւ կը ծանօթանային տեղի հայ համայնքի ներկայացուցիչներու հետ:

Օգոստոս 7-10ը, երիտասարդները անցուցին Սուրբ Փեթերպուրկին մէջ, այցելեցին Էրմիթաժ, Սբ. Գաթարինա հայկական եկեղեցի, Փեթրովավոլոսի ամրոց, Փեթերհոֆ ցարական ամառնային նստավայր, Մարինեան եւ Ալեքսանտրեան թատրոններ, ուր դիտեցին «Սփարթաթ» եւ «Կարապի լիճ» թատերապարերը, իսկ Սուրբ Փեթերպուրկի կիրակնօրեայ դպրոցէն ներս հանդիպեցան տեղի հայ երիտասարդներուն: Անմոռանալի էին սպիտակ գիշերները եւ նաևով ուղեւորութիւնը Նեւայի վրայ:

Յուլիս 22-ին, երիտասարդները ընդունուեցան Հայ Առաքելական Եկեղեցւոյ Ռուսաստանի եւ Նոր Նախիջեւանի թեմի առաջնորդ Եզրաս Եկիսկոպոս Ներսէսեանի կողմէ: Մոսկուայի մէջ խումբը այցելեց նաեւ Քրեմլ, Կարմիր հրապարակ, Թրեթեաքովեան պատկերասրահ, Բուշքինի թանգարան, Սբ. Պապիլ եւ Սբ. Փրկիչ եկեղեցիներ, ինչպէս նաեւ Մոսկուայէն քիչ մը հեռու գտնուող Սերկիեւ Փոսատ, որ յայտնի է իր հինաւորց եւ գեղեցիկ պատմամշակութային կոթողներով:

Օգոստոս 2-ին, տեղի ունեցաւ Մոսկուայի տնտեսագիտութեան բարձրագոյն դպրոցի եւ AGBU Academics-ի համատեղ ձեռնարկը: AGBU Academics-ը հայ ուսանողներու համաշխարհային ցանց մըն է, որուն հիմնադիր Քամիլիօ Ագուզ-Կիվանեանը նոյնպէս այս տարի կը մասնակցէր ՀԲԸՄ Մոսկուայի Ասպարէզային Փորձառութեան Ամառնային Ծրագրին:

Յիշարժան էր նաեւ ծրագրի մասնակիցներու հանդիպումը Արեւմտահայոց ազգային համագումարի նախապատրաստման միջազգային կազմակերպիչ յանձնախումբի գործադիր տնօրէն Կարեն Միքայէլեանի հետ: Հանդիպման ժամանակ քննարկուեցան հայ դատին,

Հայոց Ցեղասպանությանը եւ ՀՀ արտաքին քաղաքականությանը առնչուող հարցեր:

Քրիսթին Յարութիւնեան, 2011 ՄԱՓԱԾ-ի մասնակից ԱՄՆ-էն, այսպէս գնահատեց իր ամառուայ փորձառութեանը: «Այս ամռանը կեանքի փորձ հաւաքեցի: Կեանքին բացուելու եւ միշտ հետաքրքիր ըլլալու կարելորութիւնը վերահաստատուեցաւ: Մոսկուայի պէս բազմակողմանի եւ անձանօթ քաղաքը շրջելով կամ ծանօթ հայկական աւանդութիւններ եւ տօնական օրեր յարգելով, միշտ բան մը կայ սորվելու, որ հայեացքդ կը հարստացնէ եւ ասպարէզ կը կարդայ քեզի զարգանալու»: Ուրիշ *ինքըրն* մը, Նարէ Թեւանեան, նոյնպէս ԱՄՆ-էն, յարեց թէ ամրան իր փորձառութեան շնորհիւ, հայկական իր ժառանգութիւնը նոր լոյսով սկսաւ գնահատել: «Հայ ըլլալը պարգեւ մըն է: Կրնաս զայն անկողնիդ տակ դնել, ուր փոշի պիտի հաւաքէ, կամ կրնաս գործածել այդ պարգեւը որպէս ուղեցոյց կեանքիդ տարբեր հանգրուաններու ընթացքին»:

Ծրագիրն իրականացուցին ծրագրի համակարգող Անժելա Սարգսեանն ու անոր օգնական Անահիտ Խաջաբեկեանը:

Նախապատրաստական աշխատանքները արդէն ընթացքի մէջ են 2012 Մոսկուայի Ասպարէզային Փորձառութեան Ամառնային Ծրագրին համար, եւ դիմումնագիրները մատչելի պիտի ըլլան ՀԲԸՄ-ի կայքին մէջ մինչեւ Նոյեմբեր 2011: Յաւելեալ տեղեկութեանց համար, հաճեցէք էլ-նամակ դրկել msip@agbu.org հասցէին:

ՀԲԸ Միութիւնը, որ 1906-ին Գահիրէ հիմնուած է, աշխարհի հայկական մեծագոյն ոչ-շահամէտ կազմակերպութիւնն է: Նիւ Եորքի իր կեդրոնական գրասենեակով, ՀԲԸ Միութիւնը կը պահպանէ հայկական ինքնութիւնն ու ժառանգութիւնը եւ կը սատարէ անոնց տարածման, իր կրթական, մշակութային եւ մարդասիրական ծրագիրներով, որոնցմէ մօտաւորապէս 400,000 աշխարհասփիւռ հայեր կ'օգտուին ամէն տարի: